

K A L A M A

Mahoehope - Hilinamā

Mai ke Po'okumu mai:

E nā hulu makamae o ke ao nei e ne'e, e naue, e peki, e kūwili, e ānehenehe, e 'anau, e kuekue'ō, e palanehe, e helohelo, e malewa, e kaiue, e panau, e kauahehe, e mio, e 'olo'io, e akaluli, e koene, e kūnoni, e palamimo, e niau, e hani, e 'oni!

'O ka noho wale ka mea e maka'u maoli ai 'oe. Inā 'o ka ho'onui 'ana i kou 'ike pono'i i hū a'e kou 'umeke kāu e li'a nei, e 'imi 'oe i ala e kō ai kāu mau pahuhopu.

Eia wau e paipai aku nei iā 'oukou e 'imi a e ne'e, e naue, e peki, e kūwili, e ānehenehe, e 'anau, e kuekue'ō, e palanehe, e helohelo, e malewa, e kaiue, e panau, e kauahehe, e mio, e 'olo'io, e akaluli, e koene, e kūnoni, e palamimo, e niau, e hani, e 'oni a pa'a maila.

Ho'olaule'a 'Onipa'a

Ua piha 185 makahiki i ka Mō'i Wahine Lili'uokalani. Ho'omaika'i a ho'omana'o 'ia 'o ia ma kona lā hānau ma ke komo 'ana o nā kumu, nā limahana a me nā haumāna o Ka 'Umeke Kā'eo i ka poni, ka waiho'olu'u ho'i o nā alii.

'O ka loa'a mai o ia waiho'olu'u, he hana nui nō. No ia kumu i laha 'ole ai ka poni i ka lehulehu. Ma ka wā kahiko ua 'ohi 'ia nā pūpū Murex kiko'i a wehe 'ia kona lōku'u. He wahi mea li'ilii loa ia mai loko mai o ke kino o ia pūpū. Kaula'i 'ia kekahi mau haneli lōku'u no kekahi wā. He hana nui a he pīpī'i maoli nō ke kumu kū'ai. Ma muli o kēlā, na nā alii wale nō ia waiho'olu'u.

Ua nani ho'i ka 'ike 'ana i ka 'a'ahu poni o ka nui po'e ma ka ho'ohau'oli 'ana i kona lā hānau!



Kumu Malia Keli'ikoā



Aloha pumehana kākou e nā makamaka heluhelu o Ka Lama. Ua hānau a hānai 'ia au 'o Mālia Ka'ahumanu Shizuko Keli'ikoā ma ka mokupuni 'o O'ahu i ka ulu niu kaulana o Pōka'i akā nō na'e, 'o Kumu Keli'ikoā ka inoa e kāhea 'ia nei au e nā haumāna ma ke kula o Ka 'Umeke Kā'eo ma ka moku o Keawe. 'O "Boone" Keli'ikoā ku'u makua kāne, no Papakōlea a 'o Denice Kāne ku'u makuahine, no Kaleponi. Hānau 'ia maila 'ehā keiki, 'o wau ka muli loa!

Ma hope pono o ko'u puka kula ki'eki'e 'ana mai Kamehameha ma Kapālama, ne'e koke akula au i kahi kaulana i ka ua Kanilehua i hiki ia'u ke noke i ka 'imi na'auao ma ke kula kaiaulu 'o Hawai'i. I ka puka 'ana o'u me ka AA, ho'omau akula au ma ke kulanui o Hawai'i a loa'a maila 'elua palapala laepua 'o ka Māhele Ha'awina Hawai'i a me ke Kālailauna Kanaka me ka māina ma ka Hulikanaka. Ia'u i puka ai me nā kēkelē, ua komo akula nō au i ka papahana ho'omākaukau kumu 'ōiwi 'o Kahuawaiola. I ka wā a'u i puka ai mai Kahuawaiola, komo akula au i ka lumipapa ma Ka 'Umeke Kā'eo ma ke 'ano he kumu a'oākumu a he panihakahaka na kumu Wilson. A lilo akula au he kumu kāko'o ma lalo ona, a ma hope aku he kumu lumi papa nō. Ma mua o ko'u lilo 'ana i kumu, komo akula au i ke kulanui 'o Chaminade a puka a'ela me ke kēkelē laeo'o ma ka 'Imi Na'auao ma ka pae kula ha'aha'a.

I ko'u a'o 'ana aku ma ka lumi papa, hānau 'ia maila 'o Kaile'a (he kaikamahine ma ka papa 'eiwa) me Kanaloa (he keiki kāne ma ka papa 'ehiku ma Kamehameha, Kea'au). 'O Paul Lee, Jr. ka'u kāne, no Keaukaha 'o ia. I ka makahiki 2012 mākou i noho ai ma ka 'āina ho'opulapula 'o Keaukaha a i kēia manawa nō! 'O'i aku ka lō'ihi o ko'u noho 'ana ma Hawai'i mokupuni ma mua o ko'u noho 'ana i mua o Ka'ala mauna mai ka wā puka kula ki'eki'e a i ko'u noho pa'a 'ana me ka'u 'ohana pono'i!

'O ka'u pahuhopu mai ka wā kula ki'eki'e 'o ia ke kōkua 'ana aku i ka haunana hou ma o ka mo'omeheu Hawai'i, ka 'ōlelo Hawai'i, a me ka 'ike i ili mai mai ko'u pāpā mai. 'O wau wale nō ma ko'u 'ohana i koho i ka noho kū'oko'a. Ma ia wā i kupu ai ka hoihoi i loko o'u e lilo i kumu ho'ōla 'ōlelo Hawai'i. I ka piha 'ana he 10 makahiki ia'u, ho'omana'o ihola au i kā pāpā hāpai mana'o ia'u no ka lilo 'ana o'u i kumu! 'A'ole i pa'a i ko'u alahahele ma ia wā akā ia'u i ulu ai ua paipai ko pāpā mana'o i ko'u koho 'ana e ho'ōla i ka 'ōlelo Hawai'i.

Ia'u e a'o ana i nā mākau like 'ole i ka pae ha'aha'a ma ia kula ho'āmana 'ōlelo Hawai'i ma Keaukaha, pi'i maila nō ka manene i loko o'u i ka wā i hīmeni a oli ai nā keiki ma ka 'ōlelo Hawai'i! Ma laila nō i pa'a ai ka waiwai o ka 'ōlelo ia'u me ka 'ike le'a i ka ha'aheo o nā kūpuna i hala. No ia kumu au i a'o ai ma ia kula ho'āmana 'ōlelo Hawai'i 'o Ka 'Umeke Kā'eo no 'umi a 'oi makahiki! I ulu i ke kuamo'o, I mana i ka 'ōiwi, I kā'eo no ka hanauna hou!

E ola ka 'ōlelo Hawai'i!






Aloha ‘oukou e ko Ka ‘Umeke Kā’eo! ‘O Merle Moanike’ala Ka’eo ka wahine, ‘o Reynold Leialoha Ayau ke kāne, noho pū lāua, a hānau ‘ia mai ‘o Edward Halealoha Ayau, he kāne. ‘O Edward Halealoha Ayau ke kāne, ‘o Donna Kainaniokalihiwai Kahaunaele ka wahine, noho pū lāua a hānau ‘ia mai au, ‘o Kaniaulono Kaluahine Momilaniakanani Hāpai, he wahine.

He kama au no nā Hilo ‘ekolu, ua hānau a hānai ‘ia au ma kēia ‘āina kaulana i ka ua Kanilehua. Mai ka wā i puka ai au i ke ao, ‘o ka ‘ōlelo Hawai‘i wale nō ka mea i ho‘opuka ‘ia ma waena o ko‘u ‘ohana. Ua komo au i ka Pūnana Leo o Hilo i ko‘u wā kula kamali‘i, a ma hope pono mai ko‘u komo ‘ana i kēia kula nei ‘o Ka ‘Umeke Kā’eo ma ka papa mālaa‘o. ‘O ka ‘ōlelo Hawai‘i ka mea nui e alaka‘i ana i ko‘u ola.

Na ka ‘ōlelo Hawai‘i e ho‘oikaika mau ia‘u ma ke ‘ano he haumāna, ma ke ‘ano he alaka‘i, ma ke ‘ano he mea ho‘ōla mele Hawai‘i, a ma ke ‘ano he Hawai‘i. He mea ko‘iko‘i loa ia‘u ka ho‘omau ‘ana i nā mele Hawai‘i, a ‘o ke kahua, ‘o ka ‘ōlelo Hawai‘i nō ia. “Aia ke ola i ka hana”, he ‘ōlelo no‘eau kēia a‘u e waiho ai i mea e ho‘omaopopo mau ai ‘oukou i ke ko‘iko‘i o ka ‘imi mau ‘ana i ka na‘auao ma o ka ‘ōlelo Hawai‘i, ma o nā mele Hawai‘i, a ma o nā mo‘olelo i waiho ‘ia mai ai e nā kūpuna. Ma kēia kula nei i a‘o ‘ia mai au nā ‘ano he nui wale o ka Hawai‘i ‘ana. ‘O kekahi ha‘awina nui a‘u i a‘o mai ai ma ko‘u mau makahiki e hele kula ana, ‘o ia ke ku‘upau ‘ana i nā hana e kāko‘o ai i ke kaiāulu a me ka lāhui. E komo mau i ka hana, e ho‘oikaika mau iā ‘oe iho, a e hō‘ike mau i ka mākaukau, a ma laila e pāhola ‘ia mai ai nā kuleana he nui, a he pōmaika‘i maoli nō ia. Eia au ma ka makahiki hope o ka hele kula ‘ana ma Ka ‘Umeke Kā’eo, he minamina ka ha‘alele ‘ana ma ke ‘ano he haumāna, akā ‘o ka holomua me ka ho‘oikaika wale nō ka hana mai kēia mua aku. He leo mahalo kēia i ku‘u mau mākuā no ke alaka‘i ‘ana ia‘u i ke ala kūpono, ke kaiāulu o nā ‘anakē me nā ‘anakala i hānai mai ia‘u, nā hoapili i ‘alo pū ma nā ‘ano a pau o ke ola, a me nā kumu pākahi a pau o Ka ‘Umeke nei i paipai a kāko‘o nui ia‘u ma ka ho‘omau ‘ana ma kēia kuleana ho‘ōla ‘ōlelo Hawai‘i. E ‘ole ‘oukou, ola ai au. E noke mau kākou i ka ‘imi na‘auao i ola mau nā keiki o ke kaiāulu a me ka lāhui aloha o kākou. Ke aloha nui!

E ola ka ‘ōlelo Hawai‘i!

Ka Hana Keaka 'Aha Mele 'o Shrek



E mālama 'ia ana ka hana keaka 'aha mele 'o Shrek no 'ekolu pule moe kahi ma 'Okakopa ma ka hale hana keaka 'o Palace. E ho'omaka ana ma ka lā 4 o 'Okakopa a i ka lā 20. E piha ana ka hale hō'ike'ike i nā leo nahenahe a me nā hulahula kūikawā. He \$15.00 kālā ke kumukū'ai no ke kikiki keiki a he \$20.00 kālā no ke kikiki makua. Ho'ohana 'ia ke kālā no ka ho'omau 'ana i nā hō'ike'ike a me nā hana keaka like 'ole ma Palace.

E 'ike 'ia ana 'o Ke'alaokahala Supnet (he haumāna papa 3 a Kumu Pōhai) lāua 'o Waioha Delima (he haumāna papa mālaa'o a Kumu Hau'oli) ma ka hulahula 'ana ma kēia hana keaka.

Wahi a Ke'alaokahala "Ua ho'omaka wau i ka hana keaka 'ana ma ka piha 'ana he 6 makahiki ia'u. 'O kēia ka'u hana keaka 'elua akā 'o ia ka manawa mua ma ka hale hana keaka 'o Palace. Ua mālama 'ia ka'u hana keaka mua loa ma ke kula 'o Connections ma ke kaona 'o Hilo. Le'ale'a loa ka hana keaka 'ana no ka mea hiki ia'u ke launa me na hoa 'ē a'e mai ke kula nui a me nā kula ha'aha'a."

E kāko'o kākou iā Ke'alaokahala a me Waioha ma ka hele nui 'ana e nanea i kā lāua hana nui ma ka hana keaka 'aha mele 'o Shrek.

'Aha Hui Haumāna

I ka mahina nei ua ho'okumu 'ia ka 'Aha Hui Haumāna mua loa o Ka 'Umeke Kā'eo. Ma kēia ho'okumu 'ana, ua komo piha ka po'e haumāna Kula Kī'eki'e me ke Kula Waena i ke ka'ina hana koho pāloka e like me ke koho pāloka ma'amau o nā mākua. 'O ka mua ka holo moho 'ana. 'O ka lua ke kāinoa koho 'ana i hiki ke helu 'ia ke koho. 'O ke kolu ka ha'ī'ōlelo paipai koho a nā moho i mua o nā hoa kula a pau. Ma o ia ha'ī'ōlelo lākou i hō'ike aku ai i ka mākaukau a me ke akamai e lilo i 'elele haumāna. A 'o ka hope, ke koho pāloka 'ana o nā haumāna i pelekikena, hope pelekikena, pu'ukū a me ka 'elele papa pono'i. He ho'olauna maika'i kēia na nā haumāna i hele a kama'aina i ka 'ōnaehana koho pāloka. Aia i ia mau 'elele i koho pāloka 'ia ke kāko'o nui a nā hoa kula e paio no ka pono o ko kākou lāhui. Wahi a kekahi haumāna, "A'ole au i 'ike mua i ka le'ale'a a me ka waiwai o ke koho pāloka 'ana!"

Na kēia 'Aha Hui Haumāna nō e ho'opa'a i ke kahua o nei hui kula, a no lākou ke kuleana e hō'ike aku ai me ke kōnalua 'ole he mana nō ko ke koho, a he mana nō ko ka leo.



Mai ka hema i ka 'ākau:
















Hajime Inoue 'Elele Papa 6, Ka'alane'o
Akoni 'Elele Papa 7, La'akea Holomalia
'Elele Papa 8, Ke'alohi Holomalia
Pelekikena, Kaniaulono Hāpai Hope
Pelekikena, Puaokeko'olau Kahihikolo
Pu'ukū, Hālana Daog 'Elele Papa 11,
Kamāmalu Killion 'Elele Papa 9/10



Ma hea ka Makemakika?

Pae Papa M - 3 Pā'ani KEOLA

E 'imi i ka makemakika a puni kākou. Ke 'imi 'ia, e kaha pe'a X ma ia pahu. Hiki ke kaha pe'a 'ia ho'okahi wale nō pahu o kēlā me kēia mea āu i 'imi ai. Pono he 5 pahu moekahi ma ka laina kū, ka laina moe a i 'ole ka laina lala e kō piha ai kēia hana. Ma kekahi pae hou aku, e 'imi i nā mea a pau a ho'opiha maika'i i kēia papa pā'ani.

<p>He huinahālike</p> 	<p>He pō'ai</p> 	<p>Ua emi mai kona lō'ihī i ka 6 ʻniha</p>	<p>Ka helu 5</p> 	<p>He helu kau'ewa 'elua kikoho'e</p> <p>21, 55, 37</p>
<p>He kenikeni</p> 	<p>He pa'a (pa'a kāma'a, pa'a kākini, a.p.a.)</p> 	<p>He 'ōpaka huinahā lō'ihī</p> 	<p>He helu kaulike</p> <p>2, 16, 30</p>	<p>He lauana</p> 
<p>Pālua kona lō'ihī i ke kapua'i</p>	<p>Kekahi mea he 2 a i ka 4 ʻniha kona lō'ihī</p>	<p>He pa'a poepoe</p> 	<p>He mea hō'ike i ka hola</p> 	<p>He lau huinahā lō'ihī</p> 
<p>He 'ālikelike</p> 	<p>'Oi aku kona lō'ihī i ka 6 ʻniha</p>	<p>He helu 'umikūmā...</p>	<p>Ua like kona nui me ka 'āpala</p> 	<p>He laina kūpono</p> 
<p>He helu i 'oi aku kona nui i ka 20 a emi mai i ke 50</p>	<p>He mau laina pilipā</p> 	<p>He huinakolu</p> 	<p>He mea ho'okahi ʻniha kona lō'ihī</p>	<p>He helu kaulike ke kūana 'umi</p>



Hawai'i Ku'u 'Āina Hānau

Na Kaimana Kawaha



**E maliu i ka leo o nā kūpuna ē
E pā'ē'ē mai ana iā kākou nei
E hume i ka malo, ho'okala i ka ihe
E paio no ka pono mau o ka Lāhui ē
Hui:
Aloha Hawai'i ku'u 'āina hānau ē
Ku'u kulāiwi na Papa me Wākea ē
E lōkahi kākou i ke kūpa'a mau ē
'O ke aloha 'āina, ku'u lei ia ē**



Ua haku au i ke mele 'o "Hawai'i Ku'u 'Āina Hānau" i ka lā 30 o Iulai i ka MH 2023, ka lā ma hope iho o ka ho'olaule'a Lā Ho'iho'i Ea a huiMAU i mālama aku ai ma Hauola, Hāmākua. Ia'u e noho wale ana i Hale Waiau, ka hale o ku'u tūtū e waiho nei ma uka loa o Pí'ihonua, ua puka wale mai nō nā hua 'ōlelo mai loko a'e o'u, a 'o ka palapala akula nō ia o ka penikala i ia mau mana'o. 'O ka mea mua a'u i no'ono'o aku ai, 'o ia ke kīpaepae i mālama 'ia e ko Unulau. Ua hula lākou i kekahi mau hula i laha a kama'āina i nā maka o ka lehulehu. A no ia kumu i kono 'ia ai ke anaina e komo pū aku i ka hula 'ana, i lōkahi pū mai kākou ma ke 'ano he Lāhui. Na ka 'eleu o ia hula 'ana i hō'ike mai ia'u i ka noho maoli 'ana o Laka ma luna o ua po'e 'ōlapa nei iā lākou e naue hula ana ma 'ō a ma 'ane'i o ka pā mau'u.

Ma hope iho o nā hula 'ana o nā 'ōlapa o Unulau, ua wehe a'e 'o No'eau Peralto i ka hanana ma kāna mau 'ōlelo maika'i loa i piha i ke akamai o nā kūpuna. Ua lohe 'ia nō kona wehewehe 'ana no ke ali'i o ka 'āina o nā pali hula'ana 'o 'Umialīloa a me ka mo'olelo nō ho'i o ka 'āina i mālama 'ia ai ka hanana, 'o Hauola ho'i. Wehewehe mai nō ho'i 'o ia no ka mālama 'ana o ko Hāmākua kahiko i pā'ina kulāia no Lā Ho'iho'i Ea i ka wā i hala a'ela a eia nō kākou e ho'olaule'a hou ana e like me ka hana a nā kūpuna. Ma laila nō i pā'ē'ē mai ai ka leo o nā kūpuna i ku'u pepeiao. Ua 'ike aku au i ka noho 'ia o No'eau i nā mana'o a me nā 'ōlelo a nā kūpuna, me he mea lā, ma o ua No'eau nei e wala'au mai ana nā kūpuna iā kākou nei e like ho'i me ko Laka hui pū 'ana me kākou ma o nā 'ōlapa hula. 'O ia mau leo kupuna nō nā leo e maliu aku ai kākou no ka mea he ho'okikina kēlā mau leo iā kākou, 'a'ole e poina i kēia 'ano hanana, 'a'ole e poina i nā mo'olelo a me nā hulu kūpuna, e aho ka ho'omana'o a ho'olaule'a mau o kākou, i ola lākou iā kākou. Na ia mau leo nō e paipai mau iā kākou e hume i ka malo a e ho'okala i ka ihe a e mākaukau mau no ka paio 'ana no ka pono o ka Lāhui a me ka 'āina. 'O ia ka'u i lohe ai ma ka makamua wale nō o ia hanana.

Ma ka hui o kēia mele i 'ike nui 'ia ai ke aloha i loko o kākou no ko kākou 'āina hānau. Pēlā i loa'a ai ka lālani mele penei, "Aloha Hawai'i ku'u 'āina hānau ē." 'O ka māhele hope o ia lālani "Ku'u 'āina hānau ē," he kuhina nō ho'i ia i ka 'ōlelo e waiho nei ma ke kia ho'omana'o o Nāwahītokalani'ōpu'u. Aia i laila ke waiho maila ia mau hua 'ōlelo a ua Pōhaku hui nei. He ho'omana'o ia iā kākou e koa kākou ma ka hana a ke aloha 'āina 'oia'i'o 'o Nāwahī nō ho'i.

E nā makamaka heluhelu e waiho aku kākou i kēia hapa o ka mo'olelo a i kēia mahina a'e.



Nā Ha'uki

Ua ho'ohanohano 'ia 'o Kā'ena Castro, ka haumāna papa 12 ho'okahi o ke kime pōpa'ipa'i kaikamahine ma Ka 'Umeke Kā'eo. 'A'ole kēia ko Kā'ena makahiki mua ma ka pā'ani pōpa'ipa'i. Ua 'ike nui 'ia kona holomua ma kona 'ano he 'ālapa.

Ua 'ākoakoa ka nui po'e e ho'ōho a kāko'o aku ai i ke kime pōpa'ipa'i. Ua 'a lākou iā Christian Liberty o ka 'āina 'o Kea'au. Nani maoli ho'i ka 'ike 'ana i nā kula līlī'i me nā kime ha'uki.

Ua kalaiwa loa mai kekahi mau lālā 'ohana o Kā'ena i Keaukaha a noho pū i ka ho'ohanohano 'ana iā ia. He mea ko'iko'i a nani ho'i ka 'ike 'ana i ke kāko'o nui 'ia o kā kākou po'e haumāna.

He leo ho'omaika'i kēia iā 'oe e Kā'ena Castro i kou ho'ā'o a noke i ka pā'ani pōpa'ipa'i. He 'a'alī'i kū makani nō 'oe, 'a'ohe mea nāna e kūlā'i.



Nā Ha'uki

Hū a'e ka ha'aheo o ko Ka 'Umeke Kā'eo i ka lilo 'ana 'o Kauila Benz-Marrs lāua 'o Hālana Daog he mau 'ālapa ma ke kime holo ma ke kula ki'eki'e 'o Hilo.

'O ka 'awelike holo o Kauila he 22 minuke me 2 kekona o ka 5 kilomika, a 'o ka 'awelike holo o Hālana he 28 minuke me 17 kekona o ka 5 kilomika. He 3.1 mile ka mamao o ka 5 kilomika no laila 'o ke ku'upau aku nō ho'i o lāua a kō ka pahuhopu.

He ho'okūkū 'o Kauila me 151 kāne a 'o Hālana, ho'okūkū 'o ia me 110 mau wāhine. Ha'aheo maoli mākou iā 'olua i ko 'olua ho'oikaika a 'imi mau 'ana i ka lei o ka lanakila.



NĀ

HŌ'OLAHA

Lā Nui / Lā Ko'iko'i

Halewalea- 10/4/24

'A'ohe kula- 10/7/24- 10/11/24

Hālāwai Papa Alaka'i- 10/15/24

Hui Ho'oleimaluō

PAPA HANA PUAKAHINANO
OCTOBER 7-11
GRADES K-12

REGISTER TODAY!
WWW.HUIHOOLEIMALUO.COM

PAWANKA FUND

"THRIVING COMMUNITIES THROUGH THRIVING ECOSYSTEMS"

Huipu me Lā'au

FALL BREAK KEIKI DAY CAMP BY LĀ'AU ALOHA

OCTOBER 7-11
8:00AM - 2:00PM
AGES 8-12
ONEKAHAKAHA BEACH PARK

LEARN TO MAKE...

- NATURAL DYES
- MEAKANU KĀPALA
- NAUPAKA 'AILA PALE LĀ

• KAULA
• UKU REMEDY
• AND MORE!
** TAUGHT BY A LICENSED TEACHER & SCHOOL COUNSELOR **

JOIN US FOR A WEEK OF FUN & EXPLORATION!
LIMITED SPOTS AVAILABLE
LAAUALOHA.COM

SCAN ME

Lā'au Aloha

Ka Papa 'Aina

E Ho'i Hou mai i nā 'Ono o ka 'Aina

Ka Papa 'Aina

Po'āina, 13 Kepakemapa 2024

Ka 'Aina Kakahiaka Miso Ho'oheni

He kupa kēia i ho'ohua 'ia ai ka miso o Iapana i ka hōhona a ka 'ā, a ua ho'ohūhūhū 'ia me ka limu kōhū, ka mānaua, a me ka 'āpua a pā ai nā 'ono uluwēhi o ke kua. He hōa ka to'ou o Waiākea e pili ai me ke kupa ho'oheni o ke miso, kāpī 'ia ke 'āea kua'ia o Hilo Palikō e kū hou ai ka mana o ka 'āina.

Ka 'Aina Awakea Kamokuna Kim Chee Teri Hamapuka

Eia ka 'ō pili o ha ua Hīpu upu'u e moe ana me nā 'ono o Hilo Palikō, 'o ke Kim Chee 'oe, 'o ka 'ohi'ohi'oi 'oe, a 'o ka kēlūke 'oe. He pāpāhi 'ono nō ia a kaha ai ka hā'ano, 'o ka pāpāpā o Pūnānu'u ka mea e lani ai 'o luna a e hōnua ai 'o lalo. Ua pā a ka hōnua o ka 'ai 'ono' i pili pū ana kēia 'ai me ke kipi 'ulu.

Ka Mea Ihu Kī Māmaki

Ua kahu 'ia, ho'oulu 'ia, 'ohi 'ia, a kupa 'ia ka lau oia kimo o ka māmalū i ho'ohūhū 'ia i ka wai lani a me ka lau lūkini.

E like ho'i me kēlā mahina aku nei, ua keu a ka 'ono ka 'ai o kēia mahina. Ua 'ike 'ia ka papa alaka'i a me Kumu Ili lāua 'o Kumu Kaimana e ho'omākaukau ana i ka 'ai.

Kani ka waha o nā keiki i ka 'ono o kēlā me kēia nahunahupū. He kūkahekahe mai ka wā 'ai a ho'i loa aku i ka hale.



Kāpena Kimo






No Kahalu'u O'ahu o Kāpena Kimo. Ua ho'omaka 'o ia i 'oihana lawai'a ma He'eia Kea ma ka makahiki 1965. 'O ka moku lawai'a 'oe, 'o ka moku lu'ukai 'oe, 'o ka moku halihali 'oe a nui hou aku nā moku āna i mālama ai.



Nui kona 'ī'ini e kōkua i ke kaiā'ōlelo Hawai'i a 'o ia ke kumu āna i ho'olauka'i ai i hanana ma Hilo One. 'Oiai 'a'ole 'o ia i pōmaika'i i ka hele i kula 'ōlelo Hawai'i ma kona wā 'ōpio a no laila makemake 'o ia e kākō'o i nā kula 'ōlelo Hawai'i

Ma ka lā 14 & 15 o Kepakemapa ua mālama 'o Kāpena Kimo i lā ho'okele wa'a ma Hilo One. Ua lawe aku 'o ia i ka nui po'e i ka ho'okele wa'a 'ana. Ua hā'awi manawale'a 'o ia i ke kālā āna i loa'a mai ai iā Ka 'Umeke Kā'eo. He wahi leo mahalo iā 'oe e 'anakala i kou kākō'o 'ana iā mākou ma Ka 'Umeke Kā'eo.





No ka Ne'e 'Ana

P D S J X D D X B T E O K E W Q U K M U
 W Y H I L Z C L P U A H A B L Z Z A Q Q
 H K D F V S W S B H Y A L D N R E I Z Y
 R U B D O Z I V C G Y B U F D M Q U W D
 U H Q A V I X A F D S O L E H O L E H U
 Q N A U E G M R P F V C I V H X R O I '
 C S G J S J F U A N A P U Y F I Q E L P
 K A H N H Z ' Y L X M G D J L G U E C K
 Q A O S H B O T A V A N U G Z U L L Ū T
 G J U K Z E L J M P L N J P Q P W N Z W
 S T K A C F O K I Z E C A X N W O I M H
 Q M U N H Q N Z M W W L Q E X N N R K Y
 D W E K O E I W O X A J L D I J ' A O V
 Q K K N E Q A P W N N ' O I K R A O E E
 D Z U ' D Y U H E R A Z L R A H X R N R
 O Y E H E N E H E N Ā T Y T Z O E R E I
 U N ' W A I E F A M I E K Ū W I L I K S
 A W O T D G N U H R P E G O U O N E U E
 M W F W J S C A J W R J B I K E P I Q M
 J J U F S T Y Z H F Y E X M Z W D I O G

- ne'e* *kaiue*
- naue* *panau*
- peki* *kauehahe*
- kūwili* *mio*
- ānehenehe* *'olo 'io*
- 'anau* *kaluli*
- kuekue'o* *koene*
- palanehe* *kūnoni*
- helohelo* *palamimo*
- malewa* *niau*
- 'oni* *hani*

*Ku'u wahi hale
 Hale ho'ōla 'ōlelo makuahine
 Hale a'o mākau
 Hale ho'okahua*

Hā'ina:

Hale Kula



*E pane i ka
 nane ma kēia
 kīwiki*

Nane:


Halakahiki lewalewa i ka lani

Uleule pā i ka hōnua

Hea 'ia kou inoa e Makalapua



Pāheona me Mana



KAHA KI'I

HO'OLAHA KŪLANA HANA



E 'OLU'OLU, I KŌKUA MA KE KŪKALA 'ANA AKU I KO KE KAIĀULU PŪLAMA A HO'OLA I KA 'ŌLELO HAWAI'I O KA 'UMEKE KĀ'EO I KE KŪLANA HAKAHAKA.



INĀ HOIHOI, EIA NĀ MEA E PONO AI:

- HE HAUMĀNA KA 'UMEKE KĀ'EO
- E KAHA I KI'I HELEUĪ
 - LA'ANA:
 - PALA'AI, LAPU, HESE
- 10/15 LĀ PALENA PAU
- E LAWE AKU IĀ KUMU PŌMAI MA HALE LAMALAMA
- E KOHO 'IA ANA HO'OKAHI KI'I NO KA LAMA



K A L A M A

LEKA UILA

POMAI@KAUMEKE.NET



Hō'ike 'ia aku e **Halewalea** Pā'ina Ahiahi

Ma hea
kahi e hui
ai?

Honokea

*Loko i'a at Richardson
Beach Park*

Ma ka lā
'ehia?

**Lā 4
'Okakopa**

October 4

Ma ka
Po'ahia?

Po'alima

Friday

Ma ka
hola 'ehia?

**3p.m.-
a napo'o
ka lā**

3p.m. until sunset

**Ka Holoholo Paipai
('Upena Ku'u)
a me ka 'Aina Ahiahi**



**E kāinoa ma kēia
loulou no kā kākou
Halewalea**

*Sign up using this QR code
for our Halewalea*



Inā he mau nīnau, e leka uila mai iā kokua@kaumeke.net
Any questions please email kokua@kaumeke.net

HUA

H O ' O K Ō

E 'Ōlelo Hawai'i Kākou:

'Ikepili Ka 'Umeke Kā'eo

'Ikepili Ka 'Umeke Kā'eo:

- He 90% o nā haumāna he koko Hawai'i kona
- He 55% o nā 'ohana he pilina i Keaukaha
- He 101 haumāna noho i Puna
- He 108 haumāna noho i Hilo
- He 47 haumāna noho ma Keaukaha

Hā'ina:
1) 'o ia
2) lāua
3) lākou

Nā Papani

	Helukahi 1 kanaka	Helulua 2 kanaka	Helulehu 3 a 'oi kanaka
kūnei <i>'a'ole helu 'ia ko'u hoa kama'ilio</i>	au/wau	māua	mākou
kūhoa <i>helu pū 'ia ko'u hoa kama'ilio</i>		kāua	kākou
kūnā <i>kā'u 'ōlelo i ko'u (mau) hoa kama'ilio</i>	'oe	'olua	'oukou
kūlā <i>wala'au no kekahi (mau) kanaka 'ē a'ē</i>	('o) ia	lāua	lākou

E koho i ka papani kūpono:

- 

Pā'ani pōpa'ipa'i _____.
- 

Pā'ani pōpa'ipa'i _____.
- 

Pā'ani pōpa'ipa'i kekahi o _____.

I ulu i ke kuamo'o

I mana i ka 'ōiwi

I kā'eo no ka hanauna hou


K A L A M A

Kumu Waiwai Resources



Follow us

ka_umeke_kaeo



Nā Puke wehewehe 'ōlelo: Dictionaries:

- Hawaiian Dictionary
- Andrews Dictionary
- Māmaka Kaiao
- Parker Dictionary

Online Dictionaries:

- wehewehe.org
- hilo.hawaii.edu/wehe/
- manomano.io



- Thoughts from Po'okumu Nohea
- Celebrating Lili'uokalani birthday



- Learn more about our staff at Ka 'Umeke Kā'eo: Kumu Keli'ikoa



- Learn more about our students at Ka 'Umeke Kā'eo: Kaniaulono Hāpai



- Keala Supnet performing in Shrek the musical
- Meet our new student body



- Math with Kumu Emilia



- Learn more about mele Hawai'i with Kumu Kaimana



- We celebrate our athletes!



- Reminders
- Upcoming events
- Within our community




- Fun and games



- Art with Mana: Pua Hinano



- Art contest announcement



- Halewalea Upcoming family engagement activities.



- School demographic data
- Strengthen your Hawaiian language: Papani